

# Swyddog Datblygu Sesiynol Cyfranogiad

**Ydych chi wedi gweithio gyda phlant a phobl ifanc?**

**Ydych chi'n angerddol dros gefnogi plant a phobl ifanc i gael llais a chymryd rhan?**

Mae Plant yng Nghymru yn chwilio am weithwyr proffesiynol profiadol i gefnogi darpariaeth gwaith cyfranogiad a hawliau plant, yn bennaf trwy ymgysylltu â phlant a phobl ifanc a'r sefydliadau a'r gweithwyr proffesiynol sy'n eu cefnogi.

## Penodi

Rydym yn chwilio am weithwyr proffesiynol cymwys a phrofiadol i gefnogi gwaith Cymru Ifanc. Os ydych chi'n gallu dangos dealltwriaeth ac ymwybyddiaeth o bwysigrwydd cyfranogiad; os oes gennych chi brofiad priodol o weithio gyda phlant a phobl ifanc o gefndiroedd amrywiol ac ymgysylltu â nhw, yna hoffem glywed gennych chi.

## Bydd y tasgau allweddol yn cynnwys

- Cynllunio a chyflwyno sesiynau cyfranogiad ac ymgynghoriadau gyda phlant a phobl ifanc ledled Cymru.
- Ymgysylltu â phlant a phobl ifanc i sicrhau bod eu lleisiau'n cael eu cynrychioli mewn polisi ac ymarfer.
- Gweithio gyda sefydliadau partner i hyrwyddo dull gweithredu sy'n seiliedig ar hawliau plant ac annog gweithgareddau cyfranogiad.
- Cydlynu a hwyluso cyfarfodydd, gweithdai a digwyddiadau dan arweiniad pobl ifanc.
- Datblygu adnoddau, adroddiadau a deunyddiau hyrwyddo.
- Cefnogi cynhyrchu a lledaenu adroddiadau a chrynodebau ymgynghori ar gyfer gwahanol gynulleidfaoedd, gan gynnwys plant, gweithwyr proffesiynol a gwneuthurwyr penderfyniadau.

## Pwy allai fod â diddordeb

Rydym yn croesawu ceisiadau gan bawb waeth beth fo'u hoedran, eu statws priodas a phartneriaeth sifil (o'r un rhyw neu o'r rhyw arall), nam neu gyflwr iechyd, rhyw, cyfeiriadedd rhywiol, beichiogrwydd a mamolaeth, hil, crefydd neu gred, hunaniaeth rhywedd neu fynegiant rhywedd.

Rydym wedi ymrwymo i fod yn sefydliad gwrth-hiliol a chynyddu amrywiaeth drwy gael gwared ar rwystrau a chefnogi ein holl staff i gyrraedd eu potensial. Rydym wedi ymrwymo i recriwtio pobl Dduon, Asiaidd a Lleiafrifoedd Ethnig a phobl anabl sydd heb gynrychiolaeth ddigonol ar hyn o bryd yn Plant yng Nghymru.

Gallai'r swydd hon fod o ddiddordeb i'r rhai sy'n awyddus i gyfrannu amser yn hyblyg i gefnogi prosiectau Plant yng Nghymru ar sail sesiynol.

Rhaid i bob gwaith gydymffurfio â pholisïau diogelu, cynhwysiant a chydaddoldeb

## Y manylion

**Yn adrodd i:** Rheolwr Cymru Ifanc

**Cyfradd tâl:** £260 y dydd / £37 awr

**Oriau:** dim oriau wedi'u gwarantu

**Lleoliad:** Caerdydd gyda theithio sylweddol ledled Cymru. Mae mynediad at gludiant yn hanfodol a bydd costau teithio yn cael eu had-dalu.

Os hoffech gael trafodaeth anffurfiol cyn ystyried gwneud cais, cysylltwch â Thency Gunasekaran – Rheolwr Cymru Ifanc [thency.gunasekaran@childreninwales.org.uk](mailto:thency.gunasekaran@childreninwales.org.uk)

## Sut i wneud cais

Os oes gennych ddiddordeb mewn gwneud cais, anfonwch eich CV ynghyd â'ch atebion i'r cwestiynau canlynol. Gwnewch yn siŵr eich bod yn tynnu eich enw ac unrhyw wybodaeth gellir eich adnabod drwyddi oddi ar eich CV cyn ei gyflwyno.

1. **Pa sgiliau a phrofiad fyddech chi'n eu cynnig?** [*Uchafswm o 250 gair*]
2. **Beth yw manteision gwaith cyfranogiad yn eich barn chi?** [*Uchafswm o 250 gair*]

Am gymorth gyda'r broses ymgeisio cysylltwch â [susie.mcandrew@childreninwales.org.uk](mailto:susie.mcandrew@childreninwales.org.uk)

## Bydd ceisiadau yn aros ar agor yn ystod 2026

Os byddwch yn llwyddo i gyrraedd y cam cyfweiliad, cewch gynnig dyddiad cyfweiliad drwy'r cyfeiriad e-bost a roddwyd i ni.

## Amdanom ni

Mae gan Plant yng Nghymru dros 31 mlynedd o gydweithio â sefydliadau ac unigolion i hyrwyddo hawliau babanod, plant a phobl ifanc drwy ein rhaglen waith helaeth fel y sefydliadau ymbarél cenedlaethol ar gyfer plant. Mae ein hymrwymiad i chwyddo lleisiau plant a phobl ifanc wrth wraidd ein gwaith a gellir dangos hynny drwy ein rhaglen Cymru Ifanc.

Am ragor o wybodaeth am ein gwaith, ewch i fwrw golwg ar ein [gwefan](#).

.....